

乾隆四十六年新年鑄

聶久可先生著

麻科附後

重訂痘症心法

于黎黃畏巖校

大興堂藏板

活幼心法大全序

善矣先輩陳邦瞻之序活幼心法集曰世之不得已而用者二兵之於敵藥之於病是也是二者其道皆以攻伐爲事以克爲功以速爲巧而世醫不諳病機損之則疑實而益之則疑虛燥之則疑陽而冷之則疑陰於是曲爲調停之論以圖持久之計而嘗處於不見功不見害之間久之而功愈遠害愈近此猶庸將握兵智勇俱困齟齬自保而徒甲訓重幣乞盟於敵冀其自退敵脆可也敵堅蔑不覆矣蓋凡病盡然而至兒症之有痘則

受毒自始生其伏不可窺其發不可留生死在呼吸變
化在俄瞬而亦御以調停持久之法此其謬尤甚譬之
古者齊晉秦楚相遇中原強弱已形勝負可決苟非摩
壘而進卽當交綏而退若借言中制暗于事機昧于戰
守失其先發制人之策則其受害頃刻間矣此吾之所
以獨重吾友久可明府之論痘也曰毒可逐而不可解
也治可急而不可緩也於是剝爲一書盡破近世似是
而非之論庶幾提抱中物不至枉死蓋其見卓矣卽倉
扁復生不能易也兩邵讀之因爲三復起曰昔孫子不

云乎解雜亂紛糾者不控捲救圜者不搏攢批亢擣虛
形格勢禁則自爲解耳然則久可先生之所謂可逐而
不可解者是固所以淡解之也矣是治痘之說也而卽
治兵之說也又其於痘證之後復附有痧麻驚癇疳瀉
吐熱諸病方論其立說也簡以詳其製方也精以當是
其所以活幼者甚全該而備余嘗按書施治百無一失
遂不忍自秘已笥而梓行於世俾世間幼者得無失其
爲幼與世間司幼者并不至以活幼者而誤至殺幼則
不成一父母之心卽以共成此天地大父母之心矣久

可先生預之清江人姓聶名尚恒於萬曆時以鄉進士
出知福建汀州府寧化縣事卓有政聲惜當時以儒宦
顯不列名於醫林故其姓字不傳於今世岐黃之口卽
有活幼心法一書亦不傳於今世岐黃之口至其治男
婦諸病也則並著有奇効醫述四十九篇俱惜年久淪
沒噫世遠代湮失於見聞不及者詎止一編久可著述
已哉此古人之懸金構書良有以也且其書考其自序
則著於前之丙辰而余之闡發此書復合歲紀又在今
之丙辰聞之世運以六十載必爲一更爲其甲子運也

今此川也其久可先生獨著之精神有不可終爲湮沒
者歟而故藉運會之當然以假手於余之簡校復救斯
世赤子於襁褓中也歟時

康熙十五年歲次丙辰嘉平望日向山堂夕惕主人司

京兩郇氏叙

活幼心法大全目錄

卷之一 痘疹

論受病之源

析諸家之衷

闢時醫之謬

辨虛實寒熱之異

晰氣血盈虧消長之理

精炮製用藥之法

卷之二 痘症

初發熱至痘出齊數日內調治法

備載數日內各變症方論治法

卷之三

痘症

痘出齊後起發灌膿數日內調治法

備載數日內各變症方論治法

卷之四

痘症

漿足回水至結痂還元數日內調治法

備載數日內各變症方論治法

卷之五

痘症

備用緊要諸症方論

夾斑丹

夾麻疹

倒靨

癢

痛

內脹

發疔

發癰

臭爛

衄血

水泡

口瘡

咽喉

失聲

噎水

小便不利

患眼以上各症治法

并附古今治痘要方

卷之六

痘症

痘證或問六條

卷之七 痘症

治痘醫案十一條

卷之八

痧症 麻疹同惜心法止論發熱見形留毒
三方因詳補孟氏諸症治法以成全卷

痧疹治法總論

初發熱欲出未出時用治法

已見形一二日內用治法

已出而紅腫大甚用治法

痧證四五六日同時各症用治法

卷之九 雜症

雜症論

急驚風 即陽 慢驚風 即陰 吐瀉

疳 腹痛 發熱

痢症

活幼心法大全卷之一

明清江肅尚恒久可父者

清肝黎黃光會畏巖父校

論受病之源

痘疹之源有謂兒在胎時食母血穢而致者有謂父母
慾火所致者慾火之說出於臆測固無明據然嘗見孕
婦飲食清淡者生子出痘多稀少而平順恣食厚味者
生子出痘多稠密而險危則其病源受毒於母胎血穢
似有明驗蓋飲食淡則血氣清而胎毒輕飲食厚則血

氣濁而胎毒重受毒輕故出痘少受毒重故出痘多其
理易明也。近有好爲奇論者。謂胡人豈無慾火胎毒而
獨不出痘。則此二說皆非也。諸痛癢瘡瘍皆屬心火。以
中國地對胡地分四方。則中國屬東南。胡地屬西北。東
南屬火。故心火旺而有痘瘡。西北屬水。故心火不旺而
無痘瘡。又以胡人居中國則亦出痘。中國人居胡地則
亦不出痘。爲證此論似是而實非也。若痘非胎毒果因
地方火旺而有之。則閩廣等極東南之地。其人出痘當
至再至三。何以一生止一次與中國同也。意者胡地極

與無居居火食犯風霜冰雪腠理秘密若無毒然卽有
胎毒當爲別症不能宣發於皮膚而爲痘瘡是以胡人
不出痘也不可執此而謂痘非胎毒也夫胎毒潛伏於
五臟有觸則發無觸則不發故其發有遲速當其未發
時形氣俱泯無可端倪若未燧之火何處尋覓又何可
解釋故余以爲古立預解痘毒諸方若無故而遂寇於
通都不近理也及其有觸而發則勃然不可禦蓋其毒
氣發自五臟實動五臟真氣全賴血氣送毒氣而出之
於外運化之而成漿收結之而成痂而後臟腑可安若

血氣送毒氣不出則毒氣反攻臟腑如寇作於都城中
主者不能操謀奮武逐之於外致令操戈內攻安得不
危故用藥如用兵不可不透此理也

折諸家之衷

治痘之家多矣。劉河間悉用寒涼偏害非小。至於錢仲
陽立方亦以解毒為主而多用寒涼少用溫補。張潔古
王海藏咸宗之此其意俱本於內經。諸瘡瘍屬心火之
一言故以寒涼瀉火也。厥後陳文中立方力矯其偏專
主溫補。凡痘瘡已出未出之間諸症悉用十一味木香

散。已出之間諸症悉用十二味異功散。其意歸重于太
陰一經。蓋以手太陰肺主皮毛。足太陰脾主肌肉。肺金
惡寒。脾土惡濕。故用丁香官桂以治肺之寒。用朮附半
夏以治脾之濕。二方用之得其當。其效固大。然不分寒
熱虛實而一槩用之。則宜於虛寒不宜於實熱。其偏害
又可知也。朱丹溪辨之是矣。至丹溪立論矯陳氏之偏。
而取錢氏之長。主於解毒和中安表。似爲的當。舉世宗
之數百年來無敢議其失者。予則以爲丹溪治他病多
妙論。獨於治痘則孟浪而未盡其妙。儻亦一慮之失乎。